



01
1969
PB:38

Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's Affairs

Broj: 01-04-28707-12/25
Sarajevo, 30.05.2025. godine

SKUPŠTINA KANTONA SARAJEVO
-OVDJE-

PREDMET: Izjašnjenje i odgovor na zastupničku inicijativu i pitanja zastupnika Adi Kalema, dostavlja se

Zastupnik Adi Kalem je na 22. Radnoj sjednici Skupštine Kantona Sarajevo, održanoj dana 23.05.2025.godine, pokrenuo zastupničku inicijativu: „da se oslobodi boračka populacija od obaveze dostavljanja uvjerenja o (ne) vođenju na evidenciji službe za boračko-invalidsku zaštitu, takođe je postavio zastupnička pitanja: “da li je planirano olakšavanje administrativne procedure za ostvarivanje prava na jednokratnu novčanu pomoć i na koji način, kao i kada se planira isplatiti ova naknada”.

Na pokrenutu zastupničku inicijativu i pitanja dajemo sljedeće

IZJAŠNJENJE I ODGOVOR

U ministarstvo za boračka pitanja Kantona Sarajevo svake godine pristigne preko 20 000 predmeta po raznim osnovama, a pretežno za ostvarivanje prava na jednokratnu novčanu pomoć, pravo za koje je uvaženi zastupnik Adi Kalem i postavio pitanja i pokrenuo inicijativu, uzimajući u obzir da je obiman i složen posao u pitanju, za koji potreban veći broj uposlenika od onog koji ministarstvo trenutno ima, a posebno uzimajući u obzir veliku potrebu pripadnika boračke populacije da svoje pravo ostvare što prije i promptnije, smatramo da je u cilju i interesu pripadnika boračke populacije, način na koji se trenutno radi najefektivniji i najproduktivniji, jer prošle godine je 11 500 korisnika ostvarilo pravo na jednokratnu novčanu pomoć, gdje je ovo ministarstvo uspjelo obaviti stručno taj posao uz veliko požrtvovanje i napore ali poštujući sve zakonske norme i rokove.

U svakodnevnom planu ovog ministarstva je briga i namjera, uz strategijska rješenja, da se olakša administrativna procedura za ostvarivanje prava na jednokratnu novčanu pomoć, gdje bi korisnik samo predao zahtjev, svu drugu potrebnu dokumentaciju bi ovlašteni organ pribavljao po službenoj dužnosti, tako da smo na tragu nekoliko rješavanja za ovu slažemo se sa zastupnikom Adi Kalemom zaista bitnu tematiku, pa možemo reći i problematiku.

Jedan od načina rješenja jeste da se pravo na jednokratnu novčanu pomoć koje se ostvaruje na općinskom i kantonalnom nivou unificira, zakonski normira i disperzira na općine u Kantonu Sarajevo, kako bi svaki pripadnik boračke populacije predavao zahtjev u svojoj općini prebivališta, gdje već u službama za boračko- invalidsku zaštitu postoje navedene evidencije o pripadnosti boračkoj populaciji.

Na ovaj prethodno spomenuti način bi se olakšale administrativne procedure i boračka populacija bi se oslobodila od obaveze dostavljanja uvjerenja o (ne) vođenju na evidenciji službe za boračko-invalidsku zaštitu. Na ovom planu ministarstvo je već poduzelo ozbiljne aktivnosti i pomake, tako što su održani sastanci sa predstavnicima svih općina u Kantonu Sarajevu, i možemo konstatovati da u ovom smislu je rješenje vrlo blizu konsolidacije i implementacije.

Drugi način je efikasnija sistematizacija i upošljavanje većeg broja uposlenika, kako bi se moglo adekvatno odgovoriti velikom, enormnom broju zahtjeva, gdje bi bilo potrebno da nekoliko uposlenika službeno pribavlja dokumentaciju, ali to ima i nedostatke jer je potrebno mnogo više vremena, što se reflektira na brzinu ostvarivanja prava, koje bi u ovom slučaju bilo znatno sporije.

U vezi sa pitanjem za isplatu jednokratne novčane pomoći, možemo se izjasniti u smislu da: Odluke za ostvarivanje prava na jednokratnu novčanu pomoć su sačinjene, donesene i u što kraćem roku će biti isplaćene i realizovane.

S poštovanjem,

Obradio: Hašim H. [redacted] ručni savjetnik

Kontrolisao: mr. Osman Smajlović,



Dostaviti:

• Predsjedavajućem Skupštine Kantona Sarajevo,

- a/a